

交河縣志

卷首
序圖

EX 130.299
41
3p = 21/10



±91.53103
Vol. 1



交河縣志

周晉祺題

五	中
年	華
重	民
修	國

泊鎮善成堂鑄

重修交河縣志序

志乘與史冊相表裏夏書貢賦之規周禮職方所掌凡欲總攬赤縣神州之全形山陬海澨之實蹟部分類別條明縷悉事、皆了然於胸一、能指之於掌由此而欲有所建置焉統馭焉胥以是為凡百

施行之根據蓋大之係乎全國小之係乎一地誠視為治法之所從出也然土壤積而泰山細流成為河海非先由都、相望邑、相屬之地積小成大由偏得全焉能有宏大之規模足以包括一切哉是知各地必有志乘非徒為徵文考

獻借以增山川之色壯世界之觀也夫杜佑之通典馬端臨之通考鄭漁仲之通志其搜羅宏博足供政學家所瀏覽者亦由史無缺文採摭靡遺而後萬派統匯蔚然成其大觀也况今當時代過渡日進文明歐美各邦之紀載猶且譯編

累牘無美不搜以佐証富強之政策而神州文獻更宜隨時修正下以資一縣之考求上以備全國之治略我而徒守其殘篇斷簡於治理豈有一當哉周勃之三問三窮汗流浹背陽城之撫字心勞催科政拙侶此者多矣可不媿乎余深

懼焉服官十餘年來凡所身蒞之地必先留心於此歲在癸丑余奉檄交河交河古隸渤海地下車伊始亟索縣志而檢閱之惜其事略皆在前清康熙以前者距今二百餘年不惟所關疆域沿革昶國利病諸端既已時異而勢殊即其他

之係乎地方政要者亦皆因缺廢而無可考在一地亦不適於用遑言全國哉昔龔遂之蒞治渤海也天下稱為循良至今人猶傳誦之彼果遵何術哉無非熟諳其地之情形各就其所宜因勢而利導之亦蕭何取秦圖籍孔明親校簿書

之意也余以縣志之闕失不足以
資治理於是謀諸民議會議員李
君炳垣首表同意而衆議決余遂
捐俸倡始以為衆人集貲之勸又
以同益官錢之官股紅利二千餘
千詳請補助上峰亦樂觀其成旋
即設局縣署之左延邑紳賈君丹

厓督理其事延名宿為纂修計經
營數月事甫就緒而余以覲見卸
篆瀕行時又復極意獎勵以敦促
其歲事冀為後來者施化之助丙
辰歲余知新鎮事而縣志適成局
董函請余序余以譎陋無文不能
發抒是事之意義謹泚筆而誌其

緣起云

民國五年十一月清甲辰科進士
前交河縣知事高步青謹識

交河縣志

卷首 序

五

重修交河縣志序

志者史也積縣而成國積縣志而成國史古今無無史之國天下顧可有無志之縣哉故遷固斷代鄭馬編年特嚴體例迨范成大作吳郡志康海纂武功志駸駸然尤為近古蓋才學識兼脩矣交邑志創

始於明萬曆時縣令馬公續脩於清康熙時縣令牆公文多猥陋率無可觀嗣後賡續無人迄今二百餘載其疆域之沿革市廛之變遷物產之虛盈人物之衰盛以及幽光潛德湮沒而不彰者曷可勝道抱殘守缺良用慨然民國丙辰穉

余宰斯土適修志告成丐序於余
一行作吏翰墨荒疏而又不可以
不文辭爰于公餘之暇披閱全書
見夫門分為九帙訂為十條分縷
晰攷据詳贍敘事則簡而賅論人
則質而實且一善之美雖微必書
一藝之長有聞必錄舉數百年之

掌故開卷瞭如煌煌乎大觀也殆
史乘之流亞歟余嘗謂攝一邑之
職必當知一邑之事且志者志也
政治之所出也長吏有志於一方
之治興利杜弊以馴至於化民成
俗是必有所攷証而取資見土地
之廣思所以綏靖之見人民之衆

思所以教養之見政事之繁思所以整飭而敷布之况覽風俗之志則淳薄可稽也覽土宜之志則種植易辨也覽兵燹而警心則築鑿以防外患覽災異而恐懼則修省以迓天和置書座右獲益無窮則匡余不逮即謂余之師資可也賈

公元桂以倦勤之年與邑紳諸君子從事於茲昕夕不遑三易寒暑而竣事厥功偉矣鄙人承乏斯邑躬逢其盛榮幸奚如因不揣譎陋振筆而為之序

民國五年秋七月署交河縣知事

王恩沛謹識

重修交河縣志叙

中華民國五年十一月元豫奉省長
檄署縣事既下車即進邑之士紳詢
以縣境之利病與夫庶政之應興應革
者時新修邑志方定稿承以見示且
請序其簡端受而讀之知邑志自康
熙十二年改迄未續修迄今踰二百年

文獻湮沈游更變故志局泚同人乃能
不憚勞瘁悉心從事於應志事宜具
得大概名為重修實同創撰裒輯之功
洵足尚矣檢閱全書絕不鋪張風景一
洗從前邑志之陋分為十篇又不高沒義
例凡所記載舉皆翔實可信昔賢有言
著述之事以切於民用為先此志信得

其意矣特念縣為畿南名邑歷稽史籍
代有聞人且以交河得名則封域之內宜
沾水利而起視縣境則似有未副所期者
元豫忝蒞斯土以為民國肇造夙念大開
凡在地方應以興學興利為急官民之間
義應交勉敢進此義與邑人士商之至於
修志大要則前政王君及邑之耆儒苗君

蘇君言之備矣亦不更贅云

中華民國六年一月一日署交河縣知事紹

興屠元豫謹叙

序

國以史邑有志者識也識地識人識事所以信今傳後閱千百載藉徵文獻庶不患其不遠也此願不重乎哉吾縣舊志自清康熙以來未幾重修迄今幾二百年矣其間忠孝節義卓卓可稱而湮沒不彰者不知凡幾文人學士恒感慨係之今何幸高公步青王公恩沛相繼來尹茲土與吾鄉之碩儒義士賈公元桂張公星潢王公文煥唐公鳳書胡公世昌李公炳垣等同慨邑志散失毅然引為己任於是備膏火窮諮訪網羅散佚遠邇

不遺閩三年而大功告成行義成
仁復乎尚哉奉閩之餘覺考博擇
精委曲周悉洵克發潛德而顯幽
光諸君子之功豈僅光耀一時哉
而其賢已不可及矣毓素瀟陋况
值衰老雖未獲聆教末席然竊慕
其義樂其志之可法可傳也爰竭

鄙誠以抒淺見為諸公頌且謝誌
公之黽勉從事不敢告勞云爾

時

民國五年歲次丙辰夏四月己未
科舉人五品銜時年九十有五
邑人苗毓芳謹序

叙

自列國史廢而志興而志之紀事較詳於史上而天文下而地理中而人事以及世運之變遷歷朝之沿革燦然具備志之作也尚矣一代之興一統有志省有志郡有志州縣又有志然志之詳且備者莫

州縣若志之體然其勢亦不得不然也邑苟無志將所謂天文地理人事之在一方者何所藉以記往事召來茲乎志之不守已也如是交河之志創於明鬻歷邑令馬公續於清康槩邑令牆公距今幾二百餘年矣繼起無及士林慨之清

未新政迭興邑有所謂議事會者
諸公議及修志人各同心遠步青
高公來宰斯土下車稱善遂與議
負炳墳李公議即爲之因推元桂
賈公董其事而總纂分纂採訪各
員位置盡當不意高公卸任而恩
沛王公繼之王公接篆後又極爲

贊成於是創始於民國三年告成
於民國五年三歷寒暑而蕨厥事
嗚呼敏矣彩學淺才疏志旣成諸
公命余修飾而潤色之余老矣何
能爲第披閱是編見分列九門曰
輿地曰田賦曰學校經政曰職官
選舉曰人物藝文雜稽而門各有

類條分縷析視舊志似加詳焉舉
凡天文奎理人事去運交遷歷朝
沿革無一不具後之覽者庶幾備
尚論之資可無遺憾也已彩不能
文因承諸公之囑不辭耄老荒蕪
走筆而爲之序至辭之工拙所不
暇計矣於是乎書

民國五年歲次丙辰榴月己未科
舉人工部主事時年八十有
六邑人蘇彩河撰